

GJALDSKRÁ

fyrir Hafnarsjóð Seyðisfjarðarkaupstaðar.

Almenn ákvæði.

1. gr.

Gjaldskrá þessi fyrir Hafnarsjóð Seyðisfjarðar er sett skv. heimild í 17. gr. hafnalaga nr. 61/2003, sbr. hafnarreglugerð fyrir Seyðisfjarðarhöfn nr. 275/2006.

Um gjaldtöku tengda stærð skipa.

2. gr.

Við ákvörðun gjalda, sem taka mið af stærð skipa, skal miðað við brúttótonnatölu skipa samkvæmt alþjóðlegu mælingarbréfi, sem gefið er út í samræmi við alþjóðasamþykktina um mælingu skipa frá 1969.

3. gr.

Af öllum skipum skal greiða tilheyrandi gjöld til hafnarsjóðs ef þau koma inn fyrir takmörk hafnarinnar og njóta þjónustu hennar.

Skipagjöld.

4. gr.

Lestargjöld:

Af öllum skipum skal greiða lestargjald, þó ekki nema tvisvar í mánuði, 16 kr.

Bryggjugjöld:

Af öllum skipum sem leggjast við bryggju eða hafnarbakka skal greiða samkvæmt eftirfarandi: 8 kr. á mælieiningu fyrir hverja byrjaða 24 tíma, sem skip liggur bundið.

Heimilt er að taka lestar- og bryggjugjald af fiskiskipum og minni bátum, sem mánaðargjald, 102 kr. á mælieiningu, en þó aldrei lægra en 11.118 kr. á mánuði.

Bátar minni en 20 brt greiði þó aldrei lægra en 7.071 kr. á mánuði.

Bátar óskráðir, styttri en 6 metrar greiði 5.042 kr. á mánuði. Þá báta skal taka upp yfir tímabilið október til maí. Skútur og skemmtibátar sem koma til hafnar greiði 74 evrur fyrir hverja byrjaða viku. Daggjald verði 16 evrur.

Heimilt er að leggja á allt að fimmföld bryggjugjöld á skip og báta sem liggja um lengri tíma við bryggju og hafa verið án haffærissskírteinis í a.m.k. 6 mánuði.

Heimilt er að leggja þreföld bryggjugjöld á skip og báta sem óska eftir langtíma viðlegu vegna annarrar starfsemi en útgerðar.

Vörugjöld.

5. gr.

Vörugjald skal greiða af öllum vörum sem fluttar eru af skipsfjöl á land eða úr landi á skipsfjöl, eða úr einu skipi í annað, innan takmarka hafnanna, þó með þeim undantekningum er síðar getur. Farmflytjandi skal skila farmskrá og öðrum nauðsynlegum gögnum til hafnarinnar, vegna álagningar vörugjalda.

6. gr.

Fyrir vörur sem samkvæmt farmskrá skips eru ákveðnar til annarrar hafnar, innlendrar eða erlendrar, en eru látnar á land um stundarsakir, skal aðeins greitt vörugjald þegar vörurnar eru fluttar í land. Undanþegar þessu gjaldi eru vörur sem látnar eru á land um stundarsakir vegna skemmda á skipi.

7. gr.

Af vörum, sem fluttar eru á skip og fara eiga til annarra hafna innanlands greiðist hálf vörugjald. Af vörum sem koma frá útlöndum og fara eiga áfram til útlanda er heimilt að innheimta fullt vörugjald þegar vörurnar eru fluttar í land.

8. gr.

Þessar vörur eru undanþegnar vörugjaldi:

- a. Umbúðir sem endursendar eru.
- b. Olía, vistir og aðrar nauðsynjar skipa til eigin notkunar.
- c. Almennar póstsendingar og farangur ferðamanna.
- d. Úrgangur sem fluttur er til eyðingar.

9. gr.

Vörugjald reiknast eftir þyngd eða verðmæti, með umbúðum og af hverri sendingu sérstaklega. Fara skal eftir farmskrá skipa við útreikning vörugjalds. Skipstjóri eða afgreiðslumaður skips skal láta höfninni í té afrit af farmskrá. Sé engri farmskrá til að dreifa skal skipstjóri gefa drengskaparvottorð um vörumagn sem fermt hefur verið eða affermt úr skipi hans. Þyki hafnarstjóra ástæða til getur hann hvenær sem er látið ákveða vörumagnið á þann hátt sem hann telur hentugast. Reynist vörumagnið vera meira en upp er gefið greiðir farmeigandi kostnaðinn. Séu fleiri en ein vörutegund í sendingu ósundurliðað skal reikna vörugjaldið eftir þeirri tegund sem hæst gjald skal greiða af.

10. gr.

Vörur skal flokka til vörugjalds eftir því sem vörugjaldskrá tiltekur og gjaldið greiðist eins og þar segir:

Vörugjaldskrá:

1. fl.: 328 kr. fyrir hvert tonn fljótandi efnis mælist í rúmmetrum: Kol, laust korn, salt, vikur, kísilgúr, bensín, brennsluolíur, þörungamjöl, sement, áburður og úrgangur sem fluttur er til endurvinnslu.
2. fl.: Gjald 532 kr. fyrir hvert tonn: Lýsi og fiskimjöl.
3. fl.: Gjald 630 kr. fyrir hvert tonn: Þungavarningur, svo sem sekkjavörur, óunnið járn og stál, veiðarfæri, smurningsolíur, sjávarafurðir, landbúnaðarafurðir, hráefni til iðnaðar og byggingaframkvæmda. Pökkuð og niðursoðin matvæli, óáfengar drykkjarvörur og ávextir.
Gjald 1.375 kr. fyrir hvert tonn.
Aðrar vörur sem ekki eru tilgreindar í 1.–3. fl.

Aflagjald.

11. gr.

Gjald 1,60% af heildaraflaverðmæti. Sjávarafli lagður á land eða í skip á hafnarsvæðinu til vinnslu eða brottflutnings, þ.m.t. fiskur og seiði úr eldiskvíum. Gjaldið reiknast af heildarverðmæti aflans. Heimill afsláttur til fastra viðskiptavina er 20%.

Gjald af frystum aflu frystitogara og eldisfiski reiknast af helmingi heildarverðmætis.

Gjald af saltfiski reiknast miðað við tvöfalda þyngd og gjald af gámafiski reiknast af áætluðu heildarverði.

Seljanda aflans ber að afhenda hafnarstjóra skýrslu um seldan aflu um leið og sala hefur átt sér stað, t.d. afrit af aflaskýrslu til Fiskistofu. Aflagjaldið fellur í gjalddaga um leið og aflu er landað.

Seljandi ber skil á greiðslu aflagjalds.

Hámarksgjald samkvæmt lið þessum, eða þar sem verðmæti aflu liggur ekki fyrir er 6.953 kr. fyrir hvert tonn.

Við sölu aflu til skyldra aðila skv. 3. mgr. 9. gr. laga nr. 13/1998 um Verðlagsstofu skiptaverðs og úrskurðarnefnd sjómanna og útvegsmanna skal að lágmarki miðað við skiptaverð Verðlagsstofu skiptaverðs.

Leiga á gámasvæði/geymsla á veiðarfærum/varningi/búnaði/leiga á búnaði.

12. gr.

Leiga fyrir geymslusvæði skal vera eftirfarandi:

Geymsla á malarsvæði, 37 kr. pr. m² á mánuði.

Geymsla á malbikuðu svæði, 105 kr. pr. m² á mánuði.

Geymsla á veiðarfærum á hafnarköntum. Frítt fyrstu vikuna síðan 4.757 kr. pr. sólarhring.

Geymsla t.d. bíla, búnaðar eða varnings á hafnarsvæði, 108 kr./m² fyrir hverja byrjaða viku.
 Geymslugjald fyrir 20 feta gám, 2.492 kr. fyrir hvern byrjaðan mánuð.
 Geymslugjald fyrir 40 feta gám, 3.678 kr. fyrir hvern byrjaðan mánuð.
 Geymslugjald fyrir 20 feta frystigám, 2.298 kr. + rafmagn pr. mánuð.
 Geymslugjald fyrir 40 feta frystigám, 3.678 kr. + rafmagn pr. mánuð.
 Geymslugjald fyrir nætur og troll á geymslusvæði er það sama og fyrir 40 feta gám á mánuði.
 Krókgámar, lokaðir, 918 kr. á rúmmetra á mánuði.
 Krókgámar, opnir, 454 kr. á rúmmetra á viku.
 Krókgámar, opnir, 1.603 kr. á rúmmetra á mánuði.
 Landgangaleiga, 4.622 kr. á skipti.
 Geymslusvæði:
 Öll svæði, 135 kr./m² á mánuði.

Móttaka úrgangs.

13. gr.

Skipstjóri eða eigandi skips sem óskar eftir að láta á land sorp, farmleifar, olíuleifar eða mengandi efni skal óska eftir aðstoð viðurkennds þjónustuaðila, sem höfnin hefur samþykkt að annist móttöku og förgun á ofangreindum úrgangi frá skipum á hafnarsvæði hafnarinnar. Skipstjóri, eigandi skips eða þjónustuaðili skal undantekningarlaust skila útfylltu eyðublaði til hafnarinnar um magn og tegund þess úrgangs sem skilað er á land.

Skip sem falla utan 11. gr. c í lögum um varnir gegn mengun hafs og stranda nr. 33/2004 skulu greiða þjónustuaðila kostnað vegna móttöku og förgunar á úrgangi. Annist höfn móttöku og förgun á almennum úrgangi skal gjald greitt fyrir þjónustuna samkvæmt grein þessari fyrir hvern rúmmetra úrgangs. Annist höfnin móttöku á spilliefnum eða sérstökum úrgangi sem hefur í för með sér kostnað umfram förgun á almennu sorpi greiðir viðkomandi aðili þann kostnað sem til fellur.

Vegna skipa sem falla undir 11. gr. c í lögum um varnir gegn mengun hafs og stranda nr. 33/2004 skal greiða eftirfarandi:

- a. *Úrgangsgjald:* Við komu skips til hafna skal skip greiða 0,81 kr. á brt. Gjald þetta er til þess að standa undir eftirliti og umsýslu hafnar vegna móttöku á sorpi. Lágmarksgjald samkvæmt þessum lið er 5.656 kr. og hámarksgjald 48.969 kr.
 - b. *Úrgangsgjald:* Gjald skv. a-lið má lækka ef umhverfisstjórnun, hönnun, búnaður og starfræksla skips er með þeim hætti að skipstjóri geti sýnt fram á að minni úrgangur verði til um borð. Fast gjald verður þá 0,42 kr. á brt. Lágmarksgjald samkvæmt þessum lið er 5.486 kr. og hámarksgjald 24.675 kr.
 - c. *Úrgangsgjald:* Skip og bátar sem koma oftast en fjórum sinnum til hafnar á almanaksárinu greiða samkvæmt b-lið fyrir fimmtu komu og komur eftir það.
 - d. *Úrgangsgjald:* Skip og bátar sem hafa varanlega viðveru í Seyðisfjarðarhöfn skulu greiða fast mánaðargjald vegna eftirlits og umsýslu hafnar vegna móttöku á sorpi. Mánaðargjaldið skal vera 5.623 kr. á mánuði.
 - e. *Förgunargjald:* Við komu til hafnar skulu öll skip sem falla undir 11. gr. laga nr. 33/2004 greiða förgunargjald óháð því hvort þau skili úrgangi á land. Förgunargjaldið skal standa undir förgun á úrgangi sem skilað er á land:
 - Farþegaskip yfir 60 metrar á lengd skulu greiða 1,58 kr. á brt. Gjaldið miðast við eftirfarandi sorpmagn:
 - Farþegaskip undir 30.000 brt: 5 m³.
 - Farþegaskip frá 30.000 brt til 100.000 brt: 10 m³.
 - Farþegaskip yfir 100.000 brt: 15 m³.
 - Önnur skip skulu greiða 2,20 kr. á brt. Gjaldið miðast við 5 m³ af sorpi.
- Greiða skal samkvæmt h-lið fyrir sorp sem fer umfram ofangreinda viðmiðun. Skip og bátar sem eru undir 60 metrar á lengd og hafa varanlega viðlegu í Seyðisfjarðarhöfn skulu háðir sérstöku samkomulagi sem m.a. taki mið af lögum og reglum um skil á sorpi. Lágmarksgjald samkvæmt þessum lið er kr. 37.925.
- f. *Förgunargjald:* Leiti skip til viðurkennds aðila um móttöku á úrgangi getur það fengið álagt förgunargjald skv. e-lið endurgreitt enda skili það áður kvittun móttökuaðilans ásamt réttum

upplýsingum um losað magn. Skilyrði endurgreiðslu kostnaðar er að kvittun móttökuaðila hafi borist Seyðisfjarðarhöfn innan tveggja sólarhringa frá brottför skips.

- g. *Förgunargjald:* Skv. 11. gr. reglugerðar nr. 1200/2014 getur Umhverfisstofnun veitt skipum í áætlunarsiglingum, sem hafa reglulega viðkomu í höfnum og sýna fram á tryggja afhendingu úrgangs og greiðslu gjalda í hverri höfn á siglingaleiðinni undanþágu frá afhendingu úrgangs. Skipstjóri eða eigandi skips sem fengið hefur undanþágu frá Umhverfisstofnun um afhendingu úrgangs eða skilum á tilkynningum, skal framvísa gildri staðfestingu þess efnis.
- h. *Undanþágur:* Skip sem undanþegin eru gjaldskyldu skv. 1. tl. 2. mgr. 17. gr. og c-lið 11. gr. laga um varnir gegn mengun hafs og stranda, nr. 33/2004 skulu greiða fyrir móttöku hafnar og förgun á almennu sorpi. Lágmarksgjald hafnar fyrir móttöku á úrgangi er kr. 11.301 á hvern rúmmetra og lágmarksgjald einn rúmmetri. Annist höfnin móttöku á spilliefnum eða sérstökum úrgangi sem hefur í för með sér kostnað umfram förgun á almennu sorpi greiðir viðkomandi aðili þann kostnað sem til fellur.

Hafnsögugjöld.

14. gr.

Ekki er hafnsöguskylda í Seyðisfjarðarhöfn en ef óskað er eftir slíkri þjónustu er greitt samkvæmt gjaldskrá.

Fast gjald kr. 4.200 pr. ferð.

Stærðargjald kr. 7 á mælieiningu.

Flutningur á hafnsögumanni kr. 25.000 pr. ferð.

Festargjöld.

15. gr.

Festargjöld fyrir hverja afgreiðslu 17.455 kr. en í yfirvinnu 29.985 kr.

Starfi fleiri en einn maður við afgreiðslu er gjald fyrir hvern aukamann 17.455 kr. og í yfirvinnu 29.985 kr.

Vatnssala.

16. gr.

Vatn afgreitt frá bryggju, lágmarksgjald, 5.370 kr.

Vatn til skipa, 319 kr./m³.

Afgreiðsla utan dagvinnutíma, 6.990 kr. á klst. til viðbótar gjaldskrá.

Vigtargjald.

17. gr.

Almenn vigtun er 178 kr. á tonn.

Lægsta gjald fyrir einstaka vigtun/löndun er 1.065 kr.

Vigtun flutningabíls er 1.700 kr. pr. vigtun.

Útseld vinna við vigtun í dagvinnu, 4.192 kr. á klst.

Útseld vinna við vigtun í yfirvinnu, 7.028 kr. á klst.

Útseld vinna við úrtaksvigtun, 7.028 kr. á klst.

Kranagjald, löndun með hafnarkrana er 317 kr. pr. tonn.

Gámaleiga.

18. gr.

Gámur í sólarhring, 2.691 kr.

Gámur í viku, 9.579 kr.

Aukavika, 6.458 kr.

Rafmagnssala.

19. gr.

Gámar, 18,71 kr./kWst.

Til skipa, 18,71 kr./kWst.

Tengigjald í dagvinnu, 2.755 kr.

Tengigjald í næturvinnu, 7.512 kr.
Mælaleiga, 5.205 kr. á ári.
Fari tenging fram utan dagvinnutíma greiðist tengigjald, 7.512 kr.

Móttaka skipa sem falla undir ISPS-kóða/verndargjald.

20. gr.

Fyrir hverja komu skips sem fellur undir ákvæði laga um siglingavernd nr. 50/2004, ber að greiða eftirtalin gjöld til hafnarinnar:

Fast gjald, 18.781 kr., auk þess 1,78 kr. fyrir hverja brúttólest skips.
Útseld vinna í dagvinnu vegna öryggisvörslu 6.434 kr. á mann pr. klst.
Útseld vinna í næturvinnu vegna öryggisvörslu 9.660 kr. á mann pr. klst.
Verndargjald 100 kr. pr. farþega (e. security fee).

21. gr.

Leiga á móttökusal í Ferjuleiru 1. Fyrir 1-4 klst. 8.599 kr., fyrir heilan dag 14.685 kr.

22. gr.

Leyfi fyrir köfun á innra hafnarvæði skv. hafnarreglugerð er 6.092 kr. pr. skipti.

23. gr.

Útseld vinna hafnarvarða í dagvinnu, 4.192 kr.
Útseld vinna hafnarvarða í yfirvinnu, 7.028 kr.

Um innheimtu og greiðslu gjalda.

24. gr.

Séu gjöldin ekki greidd á réttum gjalddögum er áskilið að reikna dráttarvexti af gjaldfallinni fjárhæð skv. 6. gr. laga um vexti og verðtryggingu nr. 38/2001.

25. gr.

Skipstjóri og eigandi skips bera ábyrgð á greiðslu gjalda þeirra sem greiða ber til Hafnarsjóðs Seyðisfjarðar vegna skipsins. Er skipstjóra skylt við komu til hafnar að gefa hafnarstjóra upplýsingar um skipið í samræmi við ákvæði 5. mgr. 33. gr. reglugerðar nr. 326/2004 um hafnamál og afhenda hafnarstjóra þjóðernis- og skrásetningarskirteini skipsins, ef hafnarstjóri krefst þess vegna ófullnægjandi upplýsinga frá skipstjóra og hefur hafnarsjóður haldsrétt yfir skirteinum uns gjöld eru greidd. Töf og tjón sem af þessu hlýst er einvörðungu á ábyrgð og kostnað greiðanda áfallinna gjalda. Áfallin gjöld skal greiða áður en skip fer burt úr höfninni og enginn skipstjóri getur vænst þess að fá afgreiðslu fyrir skip sitt hjá sýslumanni eða tollstjóra, nema hann sanni með vottorði frá hafnarstjóra að hann hafi greitt öll gjöld sín til hafnarinnar.

26. gr.

Vörugjald greiðist af öllum vörum sem eru affermdar, afhentar eða fluttar, eða komið á annan hátt sjóleiðis eða landleiðina, inn fyrir mörk hafnarinnar. Vörugjaldið reiknast skipi til skuldar áður en skip hefur siglingu, nema sérstaklega sé samið um annað. Greiðsla vörugjalds er á ábyrgð farmflytjanda sem og afhending vöru án greiðslu vörugjalds. Ef vörur eru fluttar úr einu skipi í annað greiðir sá vörugjaldið sem affermir. Vörugjald af vörum sem koma til hafnarinnar fellur í gjalddaga þegar skipið sem vörurnar flytur er komið í höfnina og vörugjald af vörum sem fluttar eru úr höfninni fellur í gjalddaga þegar vörurnar eru komnar í skip. Skipstjóra og afgreiðslumanni skips er óheimilt að afhenda vörurnar fyrr en gjaldið er greitt.

27. gr.

Öll gjöld samkvæmt gjaldskrá þessari má ávallt tryggja með aðför að undangengnum dómi. Skipagjöld eru tryggð með lögveði í viðkomandi skipi eða váttryggingarfé. Gengur það veð í tvö ár fyrir samningsveðkröfum, sbr. ákvæði 2. mgr. 21. gr. hafnalaga nr. 61/2003. Hafnarsjóði Seyðisfjarðar er heimilt að krefjast frekari trygginga fyrir greiðslu áfallinna gjalda ef ástæða þykir til.

28. gr.

Öll gjöld í gjaldskrá þessari eru án virðisaukaskatts. Hafnarsjóði Seyðisfjarðar er skylt að innheimta virðisaukaskatt af öllum gjöldum í gjaldskrá þessari, sbr. 3. tl. 3. gr. laga nr. 50/1988 um virðisaukaskatt.

Gildistaka.

29. gr.

Gjaldskrá þessi fyrir Hafnarsjóð Seyðisfjarðar er samþykkt af hafnarmálaráði Seyðisfjarðar þann 13. nóvember 2019, skv. hafnalögum nr. 61/2003 og 37. gr. reglugerðar um hafnamál nr. 326/2004.

Gjaldskráin öðlast gildi við birtingu.

Jafnframt fellur úr gildi gjaldskrá fyrir Hafnarsjóð Seyðisfjarðarkaupstaðar nr. 1244/2017.

Seyðisfirði, 1. maí 2020.

Aðalheiður Borgþórsdóttir hafnarstjóri.

B-deild – Útgáfud.: 5. maí 2020